

საბაკალავრო ნაშრომის დაცვა



27 დეკემბერს, თბილისის სასულიერო აკადემიასა და სემინარიაში გაიმართა თეოლოგიის საბაკალავრო პროგრამის სტუდენტის – არჩილ შავდათუაშვილის სადიპლომო ნაშრომის დაცვა. სადიპლომო ნაშრომის თემა იყო „ნათლისღების საიდუმლოს წინასახეები ძველი აღთქმის წიგნებში“, სამეცნიერო ხელმძღვანელი – თეოლოგიის დოქტორი ირაკლი ორჯონია, ექსპერტი – თეოლოგიის მაგისტრი, მღვდელი სვიმეონ დათუკიშვილი.

სხდომას ესწრებოდნენ კომისიის წევრები: სემინარიის დეკანი, თეოლოგიის მაგისტრი, მღვდელი გიორგი ვაშალომიძე, ბიბლეისტიკის კათედრის ხელმძღვანელი, ისტორიისა და თეოლოგიის დოქტორი, დეკანობი გიორგი გუგუშვილი, ფილოლოგიისა და თეოლოგიის დოქტორი, დეკანობი ბიძინა გუნია, თეოლოგიის დოქტორი ირაკლი ორჯონია, ისტორიის დოქტორი დურმიშხან ლაშხი, ასევე, აკადემიისა და სემინარიის პრორექტორი სასწავლო დარგში, ისტორიის დოქტორი, დეკანობი ბესარიონ ცინცაძე, თეოლოგიის დოქტორი, არქიდიაკონი დემეტრე (დავითაშვილი) და სასწავლებლის პროფესორ-მასწავლებლები.

სხდომა შესავალი სიტყვით გახსნა და დამსწრეთ დღის წესრიგი გააცნო მღვდელმა გიორგი ვაშალომიძემ.

დიპლომანტმა ისაუბრა ნაშრომის ძირითადი დებულებების შესახებ. მან წარმოადგინა ძველი აღთქმიდან ამონარიდები, რომელთა შინაარსში ნათლისღების წინასახე იკვეთება, ასევე, მოიხმო შესაბამისი მუხლების განმარტებები წმ. მამათა ნაშრომებიდან. როგორც ნაშრომის ხელმძღვანელმა და ექსპერტმა აღნიშნეს, დიპლომანტმა უდიდესი შრომა გასწია, ნათლად წარმოაჩინა ნათლისღების საიდუმლოს სულიერი ძალმოსილება და ნათლისღება-განცხადებასთან დაკავშირებული ლიტურგიკული საკითხავები, რუსულიდან თარგმნა და დაიმოწმა არაერთი შესაბამისი შინაარსის საღვთისმეტყველო ტექსტი.

კომისიამ საბაკალავრო ნაშრომი უმაღლესი ქულით შეაფასა.



tsas.ge